



04.10.2022

UKA2022/65

Jens NapâtôK', Naleraq

**Nunatta kangiani aalisakkerfivinnut tulaassisussaatitaanermik piumasaqaateqalersitsisinaaneq pillugu Naalakkersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Nalunaarusiaq inatsisartunut UKA2023 nallertinnagu inatsisartunut agguanneqassapput.**

(Inatsisartunut ilaasortaq Mala Høj Kuko, Siumut)

## **Siullermeerneqarnera:**

Siullermik Inatsisartunut ilaasortaq Mala Høj Kuko, Siumut siunnersuuteqarninnut Naleqqamiit qutsavigersuppatsigit.

Siunnersuut aallartinnera Nunatta kangiani aalisakkerfivinnut oqaaserineqartoq taasissutaasusaaq aalisakkerivinnut tunngassuteqarunangimmat maluginiarlutigu aappassaaneernissaanut ataatsimiititaliami ilanngullugu aaqqinnissaa nalilersuiffigeqqulaarparput taasissutissap oqaasertaa pingaartueqartuummat, tassunga tunngatigllugu imarisaatigut paasiniarparput aalisakkerivinnut tunngassuteqartoq aalisakkerivinnut allaqqussaaniaraluartoq naqinnerliorneqarsimagunartoq.

Siunnersuut nunatta kangiani aalisakkerivinnut tulaassisussaatitaanermik piumasaqaateqalersitsisinaaneq pillugu Naalakkersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Nalunaarusiaq inatsisartunut UKA2023 nallertinnagu inatsisartunut agguanneqassasoq siunnersuuteqartoq Mala Høj Kuko, Siumut siunnersuuteqarpoq.

Siunnersuuteqartup ujjartugaa tulaassisussaatitaaneq aningaasarsiornermik qitiunerpa? Taamatut tulaassisussaatitaasoqalerpat aningaasarsiorortoqalernissamik aqutissiuisoqassava?

Aalisartut maannakkut kitaani assersuunneqartut ataatsimoorlutik tulaassisussaatitaaneq atorunnaarlugu nammineq toqqaannaq avammut tuniniaasinnaatitaanerat aqutissiorneqarpat periarfissarsiorneqarnerunermik pissanngikkaluarnepoq.



# Naleraq

Sumiiffikkaartumik pisassiisarneq qanoq pitsaanerusumik aaqqissuunneqarsinnaanersoq iluatinnarpoq ilanngullugu nalilersuiffigissallugu. Aalisartut nammineq tuniniaasinnaanerat ilanngullugu.

Taamatut aamma Kalaallit Nunatta kangiani imartaanut pisassiissutigineqartartut sumiiffikkaartumik pisassiisarnermik ilaqartinneqarsimasuuppat maannakkumiit annertunerujussuarmik Kalaallit Nunatta kangiani pisassaqlutik inissisimaneranik periarfissaqalertuuppat aqutissiuunneqartut aqutissiorneqarnerusimassannginnerpaat, pisassat tunniunneqartut sumiiffikkaartumik pisassiisutaaneramik aallaaveqartumik aqutissiorneqarnerat sunniuteqarnerussannginnerpoq.

Kujataani tulaassisussaatitaaneq saarulliit eqqarsaatigalugit suliffissaqarnikkut kujataanut iluaqutaagaluarpoq kisianni pisassanut tunniunneqartunut aningaasarsiorsinnaanerat killeqarnerat ilutigalugu avataaniit pilersuisut kisimik annertunerusumik iluanaaruteqartartut isiginnaarpagut.

Pisassiissuteqartarnikkut aaqqissuuseqqinnerit ilanngullugit nalilersorluarneqarnissaat tulaassisussaatitaanermut ilanngullugit Naleqqamiit nalilersorluarneqarnissaat kissaatigerusupparput isumaqaratta tulaassisussaatitaaneq kisimiitillugu sunniutissai naammangitsutut isigigatsigit.

Pisassiineq ilutigalugu tulaassisussaatitaaneq aqutissiorneqarnissaa kaammattuutigerusupparput. Taamaammallu neriuppugut siunnersuut siamasinnerusumik angusaqarfiunerusumillu aqutissiuullugu suliarineqassasoq.

Taamatut Naleqqamiit oqaaseqarluta Nunatta Kangiani pisassaqlerlutik inissisimalernissaat ilanngullugu tulaassisussaatitaanermik qulaajaanissamut ilanngullugu nalilersuiffigineqarnissaa kaammattuutigalutigu ataatsimiititaliami susassaqartumi suliarineqarnissaa innersuussutigaarput.